

حقوقی بلیکسلر مجموعه سی

هر آنگاه که اولون بشاره نشر اولور

DOCTRINE

تَلْبَعْلَرُ

حقوقی دوتوری

مبوسلی: غار فراتور

حقوقی فکرلر — RÉFLEXIONS JURIDIQUES

لوروس دعواسی:

لاهیده بین الملل دیوان عدالت طرفندن مملکتتمز لهنه ویرلش اولان حکم عمومیزی دلشاد قیلمشدر. بوکا یالکیز بر موفقیته دیه مهیز؛ تام معناسیله برظفردر. هم وطن اولادندن هیچ برینک برونی قانامادن استحصال قلمش علم نامنه، حقوق نامنه الده ایدلش بر ظفردر؛ اهمیتی یالکیز ملی دکل، بین الملل حقوق نقطه سندن ده پک بویو کدر.

ملتلر آراسنده کی اختلافلرک سلاح قوتیله دکل تحکیماً حل ایدلسی لازم کله جکی قناعتی عمومی فکرلرده یرلشمده کی صلح ومسالمتک مؤمن اوله مایه جنی بر حقیقت اولماسنه نظراً بین الملل دیوانلرک بی طرفانه وعادلانه مقرراتی بو کی مؤسسهره ملتلرک اعتبار ایتسنه یادر. دیوان عدالتک صوک قراری، بویوک دولتلرک اتده دیوانک آلت اولمادینی قناعتی تولید ایتش اولماسی اعتباریله آیریمجه موجب ممنونیتدر.

تورکیا کندیسینی مدنی بین الملل عاقله خارچنده عدا ایتدیکندن هر کسدن زیاده بین الملل قواعد و حقوق مفهومه رعایتکار اولدیغنی شیعمدی به قدر اثبات ایتمشدر.

تمیز شود که حقمرزده عینی درستی ایلہ حرکت ایداسین. لوتوس مسئله سنده تور کبانک بین الملل بر قاعدہ بی اخلاص ایتمدیکنی بی طرف بر تشکیلاتک صلاحیتدار لسانیلہ اعلان ایدلسی ایریجه موجب شرفدر. بو بویوک موفقیتک عامل اصلیس بولنان عدلیہ وکیلز محترم محمود اسعد بکه مملکتک کوستردیکی شکران جدأ محلہ مصروفدر. حقوق فاکولتہ مزده رئیس مدرسین طاهر بک حقوق عالہ سنک محمود اسعد بک ایچون حس ایتدیکی حساباتی بک بلیغ بر صورتده افاده ایتک صورتیلہ عمومزک ترجمانی اولمشدر؛ بو موفقیتی قازانان محمود اسعد بکک بر حقوقی املق ملابسہ سیلہ بزرک بر قات دها سونمه من طبعیدر.

لوتوس دعواسنده طرفینک درمیان ایتدکری دلائل حقوقی بی و محکمہ نک قرارنده موجود اسباب موجبہ قارئلرمزک نظرلری اوکنه قویق ایستہ یورسکده شمدی یه قدر بونلری بر درلو الہ ایدہ مدک؛ اونارک جلبہ چالیشیورز؛ و ملی حقوقزده بویوک بر یر اشغال ایدہ جک اولان بو حادثہ حقوقیہ حقندہ، امکان بولورسہق، قارئلرمزہ واضح معلومات ویرمکه چالیشہ جغز.

اسکی کفالتہ مقندہ :

اجرا رئیسز رفیق بک برادر مزله مسلکد اشمز حمدی حلیم بک آراسنده مجموعہ مزده اسکی کفالتلرہ اسکی ویا یکی قانونک تطبیق نقطہ سندن تحدت ایدن اختلاف نظر بارو مجموعہ سنک ۹ نومرولو نسخہ سنده عبدالحق کال بکک چوق کوزہل بر مقالہ سنہ محل ویردی.

اختلافی تثبیت ایدہلم؛ حمدی حلیم بکه کوره مطلق صورتده یازلش اولان یعنی یکدیگرینه کفیل بالمال ویا متسلسلاً کله لری احتوا ایتمه بن کفالتلر ایچون اولدن دعوا اقامہ ایدلہ مش ایسہ حق مکتسب اولہ مایہ جغندن یکی قانونہ کوره معامله کورمک لازمدر؛ بناء علیہ اول امرده مدیون علیهنه اقامہ دعوی ایدلدکجه کفیلہ مراجعت ایدلر. رفیق بک بو فکرہ مغایر اولوب اجرا قانونسندن اقتباس ایتدیکی احکام ایلہ فکرینی تأیید ایلہ مکدهدر. عبدالحق کال بکده مقالہ سنک ایلک قسمنی حق مکتسب نظریہ سنی تدقیقه حصر وایکنجی قسمندہ بو نظریہ دائرہ سنده کفالت بحثی مطالعہ ایدیور. بن، اساساً

حمدي حليم بلك فكريه اشتراك ايتديكمي مجموعه مزده منتشر مقاله سنه يازديغم حاشيه ده سويله دم . فقط اخيرا حمدي حليم بلكه جريان ايتش اولان بر محاوره مزده اسكي كفالتارك، يكي قانونه كوره دخي ، تسلسل افاده ايتديكني عرض ايتدم وبو مطالعه صانيرسم محترم مخاطبم طرفدن شايدن تدقيق كورولش ايدى . مطالعه م شودر : يكي قانونه كوره مديون ايله برابر كفيله قارشى دعوى حقي آنحق متسلسل كفيل اولماسنه منوط ايسه ده بو شرط صريح اوله بيلديكي كبي ضمناً دخي اوله بيلير . اسكي قانونك زمان جريانده هر كفيل قانوناً متسلسل كفيل اولديغندن آريجه تصريحه لزوم كورلمزدى ؛ ضمناً عاقدن كفالتك متسلسل اولديغنى قبول ايتشلردى . بناء عليه اسكي كفالتنامه لوده تسلسل مفهومي ونيتي ضمناً موجوددر . بناء عليه يكي قانونه كوره دخي اسكي كفيللرك جمله سي متسلسل كفيل عد ايدلك لازم كلير .

بو مسئله يي تدقيق ايله اوغراشمقده اولان محترم آرقداشله بو عاجزانه مطالعه يي عرض ايديوورم .

يازما بورز :

مجموعه مزك ايلك نسخه سندن بو وحدت قضا وتشكيلايه مغاير قوانيني عدم تطبيقه حكامك صلاحيته دائر آچديغمز محاذله نك بر نتيجه ويره بيلمسي ايچون ال برلكيله چاليشق لازمدر . يالكز بر كيسه نك يازماسى غيركافيدر . برده ، بزده مجموعه لر يالكز بر محيطه مؤثر اولوب افكار عموميه آز چوق علاقه دار اولمازسه بويكي فكرلري قبول ايتديرمك مشكل اولديغندن بومي غرته لرده بوكا دائر يازيلر نشر ايتمك لازمدر . قارئلم فرقه وارديلر كه بن مجموعه ده عيني فكري تكرار ايدو طوردنم كبي بومي مطبوعاته ده عيني فكرلري مدافعه ايديوورم . حتى بوتكرردن دولايي قارئلمك عفو لريني ديله مك مجبور يتدديم . مع هذا بو نظريه لرك غلبه چالما سي آرزو ايديليرسه بونلره طرفدار اولان مسلكداشلمك ده برآز زحمت آللاري وبرآز يازي يازمالري مقتضيدر ؛ صانيرسم وحدت قضايه وقوانينك تشكيلات اساسيه موافقته دائر درميان ايتديكم مطالعه لره مخالف اولان آرقداشلرده بولونسه - طرفدار اولانلر اكثريتي تشكيل ايديوورلر . بونلرك همتلريني تكرار استرحام ايديوورم .

تشکيلات اساسيہ مزك بر فہرست صفي: [*]

«أم القوانين» اولان تشکيلات اساسيہ مزك، بنجہ، بر ضعیفی و بر خصوصیتی وارد. ضعیفی شونده در کہ ملت مجلسی بو تون قوتلری نفسنده جمع ایتک غایه سنی استهداف ایتدیکندن اجرائی عضویتلری و باخصوص الک مهمی اولان ریاست علیہی فضلہ قوتلر و صلاحیتلرله تجہیزدن احتراز ایله دی. بو کون «دموقراسی» مفہومک علمی بر بحران یکیردیکی ظاهر بر حقیقت اولوب علما و مؤلفینک بحرانہ کوستردکلی الک اساسلی سبب خلقجیلغہ مستند اولان طرز اداره لردہ سلطہ، یعنی اوتوریتہ نک تأمین ممکن اولماسیدر.

«دموقراسی» آنجا «اوتوریتہ» ایله تأمین بقا ایده جکسہ بو ایکی مفہومی تألیفہ ضرورت وارد؛ بونک ایچوندہ اجرائی عضویتلرہ و باخصوص مقام ریاستہ فضلہ قوتلر و صلاحیتلر و یرمکہ مجبوریّت بولوندیگی محققدر. ریاستک شاغل میجلنک شخصاً و بحق حائز اولدیگی فوق العادہ اوتوریتہ حسیلہ تشکيلات مزك بو ضعفندن حالاً ضرر کورولمہ یورسہ ینہ اساسی قانونمزده موجود بو بوشلق، نظریہ، برضعف اولمقدن قورتولماز.

بوتون قدرتلی مجلسدہ طوبلا معنی استهداف ایتسنہ رغماً تشکيلات اساسیہ قانونمزده بو غایہ تماماً تطابق ایده میہ جک بر خصوصیت وارد. اودہ حکامہ و یریلن یوکسک مقام و قضایہ طانیان استقلال نامدر. وحدت قضا سکزنجی مادہ ایله تأمین ایدلیدیکی کبی نہ اجرا هیتنک نده بالذات مجلسک، محاکمک مقرراتنہ مداخلہ و اونلری تعدیل و یا تأخیر ایده میہ جکی تثبیت ایدلمشدر.

بو و بونک کی قضایہ دائر دیگر احکامی أم القوانين یرلشدیرمککہ جمهوریت اداره، شیعہ دی یہ قادر لافده قالان «قانونی حاکم قیلمق» فکرینک یاواش یاواش حقیقتہ تبدل ایتسنی تأمین ایتک ایستہ مشدر. بواحکام آراسندہ ۱۰۳ نجی مادہ عرض ایتدیکم و ایضاح ایده جکم خصوصیتی احتوا ایتکده در، اهمیتی شیعہ دی یہ دک بلکه تقدیر ایدیلہ مہین بومادہ نک صوک فقرہ سنہ کورہ [هیچ بر قانون تشکيلات اساسیہ قانوننہ منافی اولاماز]. بناءً علیہ ملت مجلسی تشکيلات اساسیہ قانوننک افرادہ بخش ایتدیکی حقلرہ منافی، دولت مؤسسہ لرینک وظائفنہ مغایر بر قانون تدوین ایدہ مز. فقط بورادہ بر سؤال وارد

[*] بو فقرہ، جمهوریت غزہ سنک ۱۶ ایلول ۹۲۷ تاریخ و ۱۲۰۵ بوسرولی نسخہ سندہ انتشار

اولویور: بوضوئله حرکتنن ممنوع اولان ملت مجلسی بومنوعیته مغایر حرکتله تشکیلات اساسیه مغایر بر قانون تدوین ایدرسه نه اولاجق؟. — یاپاماز که! دییه جکسکز. یاپامادیفی بیلورم؛ فقط بومنوعیت قانونیه رغماً بیلهرک، فقط اکثر احوالده بیلیمهرک، ذهولاً بویه بر قانونک جیقماسنی ممکناندن عد ایدهرم. چونکه اونونماملی که ملت مجلسی بر طوبولو قدر؛ طوبولو قظرک روحی احوالی بام باشقهدر؛ فرداً فرداً مناسب کورولهین برایش طوبولو قی حالنده یاپیلورر. سیاسی احتراصلر، آنی هیجانلر، پارلاق وباخصوص عقلدن زیاده حسابته خطاب ایدن طمطراقی نطقلر احتمالکه قبول ایدلمهسی ایجاب ایدن بر قانونی قبول ایتدیرر؛ بوکجه هیجانی زمانلرده حادثانه عقل سلیم دکل، حسیات حاکمدر، وتکلیف ایدیلن قانونک تشکیلات اساسیه مغایرتی اولوب اولمادیفی تدقیق بیله ایدلز. بناء علیه [هیچ بر قانون تشکیلات اساسیه قانونه منافی اولاماز] امر قانونیسنک قورو بر لافدن عبارت قلامسی لازم ایسه بر مؤیده آرامق لازم کلیر. اگر مؤیده سنی بولماز ایسهک بو امر قانونی بر نصیحت، بر توصیه ویا بر تمیندن عبارت قالیر. حال بوکه تشکیلات اساسیه، تمیناتی قید دکل، حیات ملیهیی تنظیم ایدیچی اساسلی قواعدی احتوا ایتملیدر. احوالده مؤیده سی شودر که بویه بر قانون، قانون عد ایدیلهرمز. قانون تقلیدی عداولنور وحکام اونو تطبیق ایتیز؛ بو حکمک بوندن باشقه معناسی اولاماز؛ بویه جه قوانینک تشکیلات اساسیه موافقتی مراقبه حق بالواسطه، آمر بقاده اولدینی کجه، محاکمه ویرلمش دیمکدر. «حقوقی بیلکیلر» مجموعه سنی نشر ایتدیکم کوندن بری — قطعاً سیاسی غایهلردن اوزاق قالارق و صرف علمی ماهیتی محافظه ایدهرک — ایکی نظریه مدافعه ایدیورم: بریسی شوکه وحدت قضانک تام معناسیله مملکتده یرلشمسی و یالکزی شرعی محاکمک دکل اداری محاکمک، اداری قومیسئونلرک واداری مقاملرک قضادن توقی ایتملری لزومی هر آن تکرار ایدیورم. برده، حکامک تشکیلات اساسیه مغایر کوردکلری قانونلری تطبیقه مجبور اولمادقلرینی اثباته چالیشورم. حقوق اساسیه علمنده قوانینک تشکیلات اساسیه احکامنه موافقتی مراقبه مسئله سی مهم بر بحث اولوب صرف بووظیفه یاله توظیف قلنمش اعیان مجلسلرینک موجودیتی تاریخده کورولمش مثاللردندر. بارس حقوق قاکولته سی پروفسورلردن موسیو آشیل ماستره یازدیروب ترجمه سنی مجموعه یه کچیردیکم مهم برتبعده تورک تشکیلات اساسیه سنک ۱۰۳ نجی ماده سی حکامک بو حق مراقبه سنی قبول ایتدیکی مطالعه ایدلمکده در. شو عاجزانه غیرتم ایجه نمره ویرمشدر. مسکرات قاجاقچیلنی حقنده کی

جزای تقدیرك هانكي محكمه جه حكم ایدیه جکی حقنده جریان ایدن بر محاکمه ده شهر مز
 حقوق محكمه لرندن برینك ویردیکی حکم تمیزجه نقض ایدلمسی اوزرینه محكمه اصلیه
 «مسئله ده اجتہاد دکل، صریح بر قانون ده اولسه تشکیلات اساسیه به مغایر اولاجندن
 ۱۰۳نجی ماده موجبجه تطبیقنه امکان کوروله مه به جکی» نی بیانله قرار اولنده اصرار ایتشدرد.
 اعلام محكمه تمیز هیئت عمومیه سنه عرض ایدلایکندن مملکتیزك الك یوکسك
 مؤسسه عدلیه سی اصرار واقعی تصویب ایتیه ره ك نقض ایتمکه برابر اسباب موجبیه سی
 آراسنده «مسئله ده تشکیلات اساسیه قانونه منافی بر کیفیت کورولمیدی» نی درمیان
 ایله مشدر؛ برحاله که تمیز هیئت عمومیه سی مسکرات قانونك موضوع بحث ماده سنده
 تشکیلات اساسیه به منافی بر کیفیت کورمش اولسه یدی اوده تطبیق یوله کیتمه به جکدی،
 دیمک که عرض ایتدیکم مؤیده الك بویوک عدلیه مؤسسه مزجه ده تصویب ایدلشدرد.

۱۰۳نجی ماده نك صوك فقره سی ایچون سویله دیکم مؤیده نی قبول ایتمکه فائده لر
 چوقدر . شارعلرمز، تدوین ایتدکری قانونلرک تطبیق ایدلمک تهلک سنه معروض
 قالدقیرنی کورورلرسه فضله دقتی اولورلر. افرادک تشکیلات اساسیه قانونه مربوطیتی
 آتار؛ زیرا اوقانونله کنديسه بخش ایدیلن برحقه بالذات مجلسجه تجاوز ایدیه مه جکنی
 آکلار. صوکره مملکتده حکمه ویریلن موقع بلند برقات دها یوکسلمش اولور.
 عدلیه ارکاتی نه قدر اعلا ایدرسك وحق قضایی نه قدر یوکسك طونارسه ق مملکتک
 بنیانی اوقادار رصین اولور: مادامکه عدل ملکک تمیلدر!

تشکیلاتک ۱۰۳نجی ماده سنك صوك فقره سنی سویله دیکم شکلده آکلامقده
 و آکلامقده، بنجه هیچ بربالغه یوقدر. بو کونکی کونده حکام بر قانون ایله بر نظامنامه نك
 متعارض احکامی اوکنده بولونورسه، عمومی بر قانونله خصوصی بر قانون ویا اسکی بر
 قانونله مؤخر بر قانون احکامی آراسنده مبیانت کورورورسه بوا حکامدن بریسنی ترجیحه
 حق درکاردر. او حالده تشکیلات اساسیه قانونك بر ماده سیله دیگر بر قانونك روح ویا
 لفظی آراسنده تعارض کورورورسه ندن حاکم ترجیح حقندن محروم قالسین؛ و ترجیحه
 صلاحیتی قبول ایتدیکمزده تشکیلات اساسیه ده کی ماده بی می اھمال ایدمک؟

مملکتیه مفید ظن ایتدیکم بو مجادله قلمیه ده مدافعه ایتدیکم فکره بعض محترم
 مدرسلرک طرفدار اولما دقیرنی عرض ایتکی وجیه بیلیرم؛ فقط اکثریت بو طرز مطالعه نی

قبول ایندیکی کبی کیتدکجه بو فکرک علمی محیطمزدده ایدر یله دیکنی کوروپورم .

مسئله یی حقوقی محیطاردن چقاروب «جمهوریت»ک لطف واساطیله عامه نك حضورنه عرض ایدر و تشکیلاتمژک بو فائده لی خصوصیتی اوزرینه خلک دقت نظر لرینی چکر ایکن بونک، جمهوریت اداره نك بز تورکلره بخش ایندیکی نورانی فیضاردن بری اولدیغنی قید ایتمه لییم .

عائله اسملری

عائله اسملری حقنده پروفیسور پدرویه یازدیردیغم فرانسیزجه مقالهلرینی و ترجمه سی محتوی مجموعه نسخهلرینی، خدمت ایدر فکریله، داخلیه وکالت علیه سنه تقدیم ایتمشدم . وکالت جلیله دن بو تذکره یی آلام :

میلاسی غاد فراتقو بکه :

اقدام

۹۲۷/۸/۲۰ تاریخلی مکتوبکیزی و ملفوفی پروفیسور پدرونک - تور کایه عائله اسمی نصل ادخال ایدله لیدر - عنوانی تبیی و مذکور تبیک ترجمه سی احتوا ایدن حقوق بیلکیلر مجموعه سنی آلام .

قانون مدنی نك نشری اوزرینه وکالتجه اساساً اشتغال ایدلمکده اولان بو خصوص حقنده مذکور تدقیقندن استفاده ایدله جکدر . بوبابده کوستردیککز علاقه یه تشکر ایدهرم اقدام .

داخلیه وکیل

۹۲۷/۸/۲۴

م. صمیل

قانون مدنی برسه اول نشر ایدلدیکی حالده هنوز عائله اسملری مسئله سی حل ایدله مشدر . داخلیه وکالتنک قانونک نشرندن بری بوخصوص ایله اشتغال ایتدیکنه نظر آ یقینه حل مسئله ایدله جکنی و بو بوشلنک طولودوروله جغنی امید ایدرز و وکالت علیه یه موفقیتلر تمنی ایلرز .

میلاسی غاد فراتقو